

摘藻堂四庫全書薈要

史部

欽定四庫全書薈要

史部

硃批諭旨卷一百二十六之十九

詳校官編修臣繆晉

欽定四庫全書薈要卷八千五十八

史部

硃批諭旨卷一百二十六之十九

硃批田文鏡奏摺

雍正七年十一月十六日河東總督臣田文鏡謹  
奏爲恭報得雪日期仰祈

睿鑒事雍正七年十一月十五日據臣齎摺家人回豫  
稟稱

奏事轉傳

上諭山東地方得過雪了聞有五六寸京城得雪也有五六寸保定府一帶得雪有一二寸你回去說河南一得了雪即寫摺子奏來欽此仰見我

皇上厯念民瘼各省之一晴一雨無時不上繫

聖懷今豫省於十一月十四日早天試微雪及至十五日子時大雪普降至十六日子時方止其十五日午時以前所落之雪隨下隨融俱已浸潤入地午時以後之雪始得存積至十六日子時已厚五寸

有餘合計融過之雪共得雪八九寸是日彤雲密  
布雪勢甚遠兼以無風所積之雪不至吹散滲沃  
土膏均霑透足臣於十五十六兩日每早遣人四  
出踏看城鄉百姓共稱瑞雪應時咸皆以手加額  
歡呼欣幸在我

皇上深宮垂念方眷注於豫省之人民一誠格

天即兆錫豐年之景象

諭旨方傳瑞雪普降

聖天子存神感召徵應之速一至於此臣惟有與豫省  
官弁兵民共頌

皇仁高厚仰祝

萬壽無疆而已竝據開封府屬各縣報到得雪尺寸俱  
各相同其餘各府州縣俟其報到容臣另摺奏  
聞所有得雪日期理合具摺

奏報仰慰

聖懷爲此謹

奏

從前雪雨雖微再得此番接續諒應透足矣若果通省  
均霑朕懷欣慰何似

同日又

奏爲欽奉

上諭事竊照發遣廣西人犯達色馬守柱蔡登科耿桑  
格六格太監吳守義霍成心懷怨望捏造悖逆之  
言沿途布散一案前奉

諭旨令臣明白開導解送人員將所聞伊等捏造悖逆之語一一據實說出臣即欽遵

聖諭訊明解役弁兵所聞悖逆之言於雍正七年九月二十二日經臣恭摺奏

聞續據確山遂平西平臨潁等縣汝寧襄城二營據兵役將所聞達色等悖逆之語一一說出解臣親訊臣復再四開導密加詰訊據供所聞悖逆之言大概與臣前摺所訊兵役之供相同并據供稱這些



悖逆的話小的們實說不出口等語夫以兵役之  
微尚知尊

君親

上深明大義以語涉誣妄不敢肆口直言而達色等受  
國厚恩乃敢悖理逆

天造言誣

聖此等病狂喪心之語更甚於犬吠狼嗥臣訊問之下  
不勝切齒痛心何敢屢形紙筆再瀆

天聽理合據實覆

奏爲此謹

奏

提解各犯到京一一詰訊俱已供認更有夢想所不到  
奇怪可笑誣捏誹謗之語朕皆逐條分析特降諭旨通  
行直省一體曉示料卿所聞悖逆情詞大抵不出各犯  
在京所吐之供可謂至矣盡矣而無以復加矣錄來亦  
不過付之間覽耳

同日又

奏爲欽奉

聖訓據實覆

奏事雍正七年十一月十五日臣齎摺家人回豫捧  
到

皇上硃批諭旨臣敬啓跪讀於臣覆奏摺內高家堰石  
工一條欽奉

硃批前因覽卿之奏朕意決定無疑業經降旨遣差京

官四員飭發庫帑百萬命往堅築高家堰堤工矣若  
待孔毓珣奏到然後施行恐誤今冬辦料大凡善政  
須貴勇爲既知當爲矣又復逡巡無怪事功難就所  
以古人每有後時之戒此番速舉似於河防大有裨  
益也欽此臣捧誦之下仰見我

皇上聖謨宏遠此舉利益萬世永慶安瀾竝恭繹大凡  
善政須貴勇爲之

訓益見我

皇上至聖至明但有利於國計民生之處不惜浩費不  
緩須臾總由

天心默運斷以

乾剛合之千古大聖人出其聰明才智立德立功以與  
天地同其悠久者先後誠若一揆也又於臣覆奏  
費金吾一條欽奉

硃批自必訓誨但肯遵從與否要觀伊之福量何如耳  
若果爲福量所限即費金吾自欲勉強亦恐不能然

斷不能逃朕之覺照也欽此仰見我

皇上愛育臣工生成造就不憚

訓誨諄諄費金吾倘稍有欺飾之心

皇上日月之明無微不燭自不能逃於

鑒臨之下也又於臣敬覆

皇上燈下所批之

諭旨復欽奉

硃批因燈燭之下字畫潦草恐卿慮及朕之精神不到

故有前諭非欲示朕之精勤也欽此臣跪讀之下聲  
淚俱墮我

皇上日總萬幾燈下猶自披閱不輟乃以

御書字畫恐臣仰念

聖躬此非深鑒臣心犬馬戀

主之微何能

垂注至此也但臣素知

皇上乾行日健福履時綏惟是

宵衣旰食之餘猶不肯少自暇逸雖純一無間

九重不自覺其勞而微臣瞻仰之餘誠不能不彌深其  
欽誦也又奉

硃批黽勉不倦固屬美行雖然卿年齒已高諸凡當量  
力而爲不可勉強勿將精神浪費於瑣屑處此非自  
圖暇逸乃爲國家愛惜精力多延歲月庶可布化宣  
猷以無負朕康濟蒼生之意也欽此臣益感激無措  
不知所言伏念臣至愚至陋仰蒙



皇上昇以兩省重任寸心圖報無刻可安惟有竭蹶  
勉以副

聖明眷顧之隆昨因武闈之後重冒風寒業經調治痊  
可臣恐有塵

聖念是以繕摺奏

當於溫室中安居靜攝加意調養須待平復如初方

聞近日精神已復惟氣體稍弱現在小心調護茲讀

可出戶行動即遇元旦朝賀之期亦不必勉強從事敬

皇上聖諭顧復懇至雖爲

君盡禮不在叩拜儀文上論定但遵旨行縱令無知之

君父之誨臣實逾慈母之愛子嗣後之精神皆爲圖報

輩妄生訾議有朕爲卿作主也何妨  
聖恩之精神嗣後之歲月皆爲圖報

聖恩之歲月臣敢不謹凜

聖訓量力自愛以期無負

聖主撫育之鴻慈也所有奉到原摺理合恭繳謹

奏

覽

日前所保縣令昨到京引見朕於三員中觀程秉禮人  
甚明白氣度從容雖未見可大用處儘堪勝府道之任

將來尚望其長進張鏐張瀚殊屬平庸不過謹守繩墨  
牧令之才耳未必克勝表率之職朕係一時鑒別偶爾  
評論固非卿明試以功之可比無如舉止應對之間局  
量顯然易見卿再留心驗視自當洞悉不然前濟南之  
缺即於此二員內簡用一員矣

雍正七年十一月二十七日河東總督臣田文鏡  
謹

奏爲續報豫省各屬得雪分寸竝東省得雪日期仰

祈

睿鑒事 臣查雍正七年十一月十五日開封府竝所屬各縣得雪霑足業經恭摺奏

聞茲據通省各府州縣陸續報到於十一月十五日普沾瑞雪各得五六七八寸不等四野沾濡麥根深固又於十一月十九二十及二十一二十二二十三等日各屬復有得雪二三寸四五寸不等者豫省之雪今已均被霑足理合繕摺續

奏仰慰

聖懷又據東省各屬具報亦於十一月十五日各得雪  
四五寸及二三寸不等理合一併奏

聞伏乞

睿鑒謹

奏

應時之雪兩省均被朕懷深慰不復爲河東厯念矣

同日又

奏爲欽奉

聖訓據實覆

奏事雍正七年十一月二十五日臣齋摺家人回豫  
捧到

皇上硃批諭旨臣敬啓跪讀於臣奏明感冒風寒未及  
率班

朝賀摺內欽奉

硃批卿年已高邁理應如是節慎向後諸凡處不宜強

動審擇輕重量力而爲庶不有負朕意愛惜精神爲  
國家久遠報效方爲克盡臣職也欽此臣以犬馬之  
微重蒙

天恩養自顧駑駘不堪驅策惟報

主微誠根於天性雖筋骨就衰而血誠彌篤敢不祇遵  
聖訓努力自愛以副

聖主保護無已之

深恩以伸微臣無窮之至願耶又奉

硃批至平復如初時奏朕知之此種寒證若愈後調理得法併夙疾俱可望霍然頓除設或攝養失宜亦大爲將來之累極加慎重可也陳世倅雖云諳於醫藥恐其臨證日少仍選擇良醫須平昔熟識者一二人與之叅酌方劑爲妥酬酢事務切戒勉力支持以致耗損精氣縱至稍有遲悞何傷乎卿其遵旨毋違欽此仰見我

皇上慈懷周摯至論精微臣伏讀之下能不感激涕零



竊臣之病今已全愈惟元氣尚未全復現在加謹  
調攝進服補劑蒙我

皇上恩賞內府人參功效更倍不日之間即可調理如  
初今新愈之後飲食更覺甘美但不敢過於饜足  
至如陳世倅臨證原少誠如

聖明洞鑒但其醫理確有根據而於傷寒一門尤爲辨  
別精細所治雖無多人然每有診視無不應手霍  
然臣初起病時據云六脈浮沉皆帶洪數實因感

冒之中又加感冒熱邪爲風寒所鬱由淺入深遂  
自少陽直達陽明胃經所以用小柴胡湯合甘露  
飲重加生地黃連以守陰兼用知母黃栢以治胃  
依方服之半月有餘脈靜身涼諸證悉平近則與  
之叅酌補劑服亦相安竝有向日所知之江南醫  
者一人共爲商酌總之臣身至微

君恩至重臣亦不敢以犬馬圖報之軀而輕付於碌碌

欣悅覽焉

庸醫之手有負我

皇上眷顧之隆也至於兩省事務臣雖不敢過於勉強然儘可照常次第辦理但因新愈之後又蒙

聖諭諄切令加謹慎臣益當小心調護現在謹避風寒不敢即出堂審事所有豫省應審事件臣謹遵

旨暫緩但山東解到叅案數件隔省路遠不便令其守候臣暫委河南按察司陳世倬就近代臣審取確

供臣乃加覆核斟酌具  
如此從權方好切勿勉強從事近日頒有通行恩旨卿  
題相應

其遵奉行之  
奏明伏乞

聖鑒又於臣奏明公元不勝山東臬司摺內欽奉

諭旨朕原料公元不勝臬司之任所奏嘉悅覽之就此  
三員而論惟唐綏祖最佳候另有諭旨孫蘭芬性過  
於急不宜執掌刑憲朱藻遷轉似覺少驟且河北現  
屬要任再令供職數年然後陞擢亦不爲遲今或調  
用鹽道猶可卿其斟酌宜否援旨具奏欽此仰見

皇上至聖至明無遠不照唐綏祖補授按察司實足勝

任孫蘭芬性原過急而近年以來亦漸次和平朱藻遷轉少驟河北要地亦不可乏此幹員至於鹽道一缺裕課恤商禁私剔弊尤關緊要兼之山東登萊青三府所屬蓬萊等一十六州縣俱係濱海地方民竈雜處地多鰾鹵以鹽爲業各州縣從無商人賣鹽銷引雖有商民報部而其辦納鹽課有向在地丁攤徵者有民竈均辦民攤地丁竈按戶口者有貧民小販領票賣鹽辦課者各有不同相

沿已久且通省鹽法向來積弊多端自上年奉

旨清查而諸弊顯露須得歷練老成識見明敏之員任  
以運使協助鹽臣整飭俾之裕課便民臣查登州  
府知府楊宏俊才幹練達人亦端方謹飭莅任登  
郡將及三載所屬八縣均有民竈雜處其於行鹽  
辦課事宜亦能周悉情形以之補授山東鹽道洵  
屬人地相宜容俟部咨到日臣謹遵

旨繕疏題請恭候

聖裁合先奏明伏乞

睿鑒謹

奏

山東鹽道員缺已有旨命卿題補矣部文到日指名奏請可也

同日又

奏爲奏明事竊臣於去歲奉

命節制山東凡關吏治民生無不加意整飭而地方營

伍臣又時刻繫心蓋東省武弁關茸成習兵丁偷

惰相安是以臣諄諄誡諭務期杜虛冒嚴剋扣勤

加操練不許滋事擾民再東省各營器械多不如

式旗幟多有朽舊盔甲鑼鍋帳房等項率多鏽缺

不全臣於去歲赴東身歷各營親自查看其所不

及身歷之處委官分查明確當即檄行兗登兩鎮

飭令添補修理查議造冊去後至次年三月內始

據兗州鎮臣岳含奇將所屬十四營路添造帳房



器械等物數目清冊咨呈前來臣查所送冊內竝  
不將現存原物分別堪用不堪用酌量修補但據  
各營混造槩稱另製恣意繁費殊不妥協隨經逐  
一指駁行令悉心確議據實另造呈送嗣因逾久  
不覆又經疊次檄催延至十一月十五日始將清  
冊送到竝據該鎮稟稱本職所屬十四營路凡應  
添應造之軍需事宜已於今年正月內

奏明欽奉

硃批諭旨諸事與督臣田文鏡悉心商酌若能聽伊指  
示實力奉行自然得其是當勉力爲之欽此今將清

冊呈奪等情到臣臣捧讀

諭旨不勝悚異查各營軍需臣於去歲檄行修理今年  
正月該鎮又自行奏請奉有

硃批理應欽遵實力奉行立即與臣知會以便遵  
旨商酌加謹辦理早爲奏

聞何竟任意延擱遲至經年之久始將

硃批錄送到臣而且稟內又稱前奉飭查造冊業經核減畫一因赴省監射以故遲遲等語查臣於三月內將冊駁回另造該鎮於十月內赴省監射武場中間相距共計七箇月有餘豈有一冊不能更造妥確而尚借監射之事以飾其遲延之咎不但見其居心之欺詐而更見其掩匿之愚庸況所送到之冊尚未核減安定容臣確酌畫一統與登鎮之冊一併再爲

奏明臣又查去歲覆奏請

訓摺內欽奉

硃批岳含竒亦經調用山左不過庸常之器

命臣更加試看欽此仰見

聖明洞照絲毫不爽臣訪得今年四月內該鎮中營撥  
兵劉得勝王宏志等強賃生員尚宏賓之房居住  
又該鎮所轄泰安營兵丁姚四馬守業等於本年  
閏七月內強拉民婦袁氏飲酒袁氏不允即行兇

毆撕衣又該鎮衙門官頭周道生各汛駐防千把  
皆趨奉之每將娼婦扮作良婦用車拉載送與道  
生嫖宿又該鎮管廚家人周佐亦時常出外與水  
夫董玉之妻姦宿該鎮均無覺察又該鎮所屬弁  
兵臣去歲在東考驗技藝多屬平常經臣勒限三  
箇月務令學習嫻熟而今年每次送考員弁仍未  
見其優嫻昨據保送千總張文煜年滿赴部經臣  
考驗弓馬不堪當即駁回註冊現准部覆在案夫

考驗之兵丁皆其挑選精嫻者然後呈送而現任  
來考之千把又係管兵教習之人所有技藝均屬  
如此則營中之兵丁不能訓練精熟已可槩見臣  
查整飭營伍寧謐地方乃鎮臣之首務岳含奇分  
應感激

天恩加意奮勉俾營伍日有起色方不忝於職守今臣  
見其所轄兵丁時復生事家人官頭亦無約束而  
弁員技藝不能督率精嫻乃至欽奉

諭旨之事亦且任意疎忽耽延臣事事不敢欺瞞  
聖明兼以欽奉

諭旨命臣試看理合繕摺一一據實奏

聞伏乞

睿鑒謹

奏

岳含竒原屬庸材前諭甚明況又目不識丁但念係岳  
鍾琪之姪其方寸中未必即忍負朕卿其再加訓誡驗

視聞各鎮皆係本標中軍主持事務或將其中軍員缺  
選補一妥協幹練之人俾令匡救其失更命岳濬留心  
幫助以觀後效

雍正七年十二月初八日河東總督臣田文鏡謹  
奏爲恭謝

天恩事雍正七年十二月初七日臣齎摺家人回豫恭  
捧

康熙二十年前  
皇上賜臣微紅京米二斗火腿六隻鴨子四隻野雞十



皇考臨幸豐澤園於稻田中偶見一穗與衆稻迥異

隻竝敬述

特命記取次年春選擇膏壤佈種方得此米是乃

奏事傳

上天所賜之奇穀嗣後

御厨此米熬粥其好最易尅化汝主初當病愈以此米做

粥食之相宜并賜汝主火腿鴨子野雞等物欽此臣

敢輕以畀人故外邊罕見即朕當日藩邸亦不能得

此種也隨跪接進署恭設香案望

闕叩頭謝以缸豆水瀹煮其色更紅其味更厚卿如喜

食候更陸續賜來今內倉頗多非復似前難得矣

恩祇領訖竊臣仰邀

聖眷頻蒙

頒賜有加無已復蒙我

皇上念臣痊愈方新

特賞御米做粥香滑津潤容易尅化而

天府珍品下逮微臣何人斯一飲一啄之微俱在

聖慈垂注之中曲體周至百感難鳴臣惟有竭盡駑駘

以圖仰報

天恩於萬一耳所有感激微悃理合具摺

奏謝伏乞

睿鑒爲此謹

奏

覽卿奏謝知道了

同日又

奏爲欽奉

聖訓據實覆奏事雍正七年十二月初七日臣齋摺家  
人回豫捧到

皇上硃批諭旨臣敬啓跪讀於臣覆奏摺內欽奉

硃批當於溫暖室中安居靜攝加意調養須待平復如初方可出戶行動即遇元旦朝賀之期亦不必勉強從事敬君盡禮不在叩拜儀文上論定但遵旨行縱令無知之輩妄生訾議有朕爲卿作主也何妨欽此  
臣跪讀

聖諭仰見我

皇上無時無事不爲臣慮及深遠

天恩高厚感激涕零但臣自十一月下旬以後神氣如

常身體漸旺飲食亦復如舊惟足力少軟尚未能步履往來今荷

聖慈垂念預飭元旦叩賀亦令不必勉強臣屆期自量可以行禮臣當親詣公所率班颺拜倘或趨蹌未逮臣即恪遵

諭旨不敢強自支持謹於臣署恭設香案望闕叩頭以伸犬馬微誠總之人臣事

君惟在矢誠自信浮言妄議上有

聖明臣不敢沾沾顧慮負  
覽奏欣慰特爲卿有通飭諭旨頒發直省矣  
皇上眷注之隆也又欽奉

硃批日前所保縣令昨到京引見朕於三員中觀程秉  
禮人甚明白氣度從容雖未見可大用處儘堪勝府  
道之任將來尚望其長進張鏐張瀚殊屬平庸不過  
謹守繩墨牧令之才耳未必克勝表率之職朕係一  
時鑒別偶爾評論固非卿明試以功之可比無如舉  
止應對之間局量顯然易見卿再留心驗視自當洞

悉不然前濟南之缺即於此二員內簡用一員矣欽  
此仰見

皇上甄別精明毫髮不爽程秉禮辦事明白人亦和平  
恬靜氣度安閑將來洵有長進今蒙

特授河南府知府實勝表率之任張鏐才非卓越但居  
官謹飭辦事勤慎且能力行保甲具見實心張瀚  
則才情頗有辦事亦勤惟氣象粗浮有欠沉重在  
州縣之中均堪稱爲優卓而於表率之任局量未

稱仰蒙

聖諭指示臣當留心再爲驗視所有奉到原摺理合恭  
綴伏乞

睿鑒謹

奏

人實難知遷改尤難限量亦不可因朕一時之甄別遂  
永奉爲衡鑒也

同日又



奏爲遵

旨編輯訓示初任規條恭呈

御覽仰請

睿裁事雍正七年閏七月二十九日臣欽奉

硃筆諭旨朕於即位之二年冬間念及州縣各官比皆  
初任諸多未諳或偶因才力心思一時不到致被叅  
黜人材殊屬可惜特命朱軾沈近思二人追憶向日  
已所閱歷如塾師訓蒙一般指示莅事臨民法則綴

緝成書以爲新進楷模續因朱軾丁憂而又久病且  
筆下亦甚艱澁沈近思復經物故所以蹉跎至今未  
就昨李衛來京陛見言及此事伊奏稱曾有訓誡屬  
員一冊隨進呈朕覽披閱之下尚覺不甚愜意況亦  
非開導初任語句卿歷外任多年甚諳練吏治可於  
政務之暇悉心著作一部差人齎進朕彙集各處所  
擬於中採擇裁定然後降旨刊布大抵不過如何交  
盤如何催科如何驗傷如何靖盜以及查詰吏胥姦

欺等類耳欽此仰見我

皇上加意人才廣施造就留心吏治牖啓愚蒙本惟精  
惟一之心傳立作君作師之治統洵足以超越千  
古帝王甚

盛舉也惟是臣幼未讀書壯而筮仕雖自縣佐洊陞  
州縣敫歷中外忝竊封疆是皆仰蒙我

聖祖仁皇帝恭養於前我

皇上超擢訓誨於後虛糜廩祿逾四十餘年所謂夙夜

匪懈靖共爾位者臣實未敢有以自信蓋心雖黽勉而才有未逮事雖更歷而識則未精今蒙

諭旨下頒

命以著作以備採擇庸庸鄙闇何克仰承

聖意但臣莅豫七載舉凡施政用人一切見諸行事者無非祇凜

皇上之訓誨以爲遵循竊取

綸言之緒餘以飭官吏謹將臣平時告誡屬員中擇其

事宜切近於初任州縣者共計編輯二十條畧加  
點定以成章句蓋以欽遵

上諭訓蒙之意俾新進者先識其端而已深慙固陋未  
有發明無以上副

聖天子誘掖整飭之盛心好問察言之至意旦夕惴惴  
不勝悚慄敬繕一冊恭呈

御覽是否有當伏候

睿裁所有奉到

硃筆諭旨并浙江督臣李衛訓誡屬員一冊相應一併  
恭繳爲此謹

奏

冊留中候詳覽有旨

同日又

奏爲東省修建倉廩恭請

聖訓遵行事竊查積貯所以儲

國用倉廩原以資蓋藏仰蒙我

皇上聖明洞照

特頒上諭凡各省未有倉廩之州縣著詳細查明商酌  
即行建造其建倉之費或動正項錢糧或支給存公  
銀兩酌量本地情形悉心定議具奏欽此臣查豫省  
倉廩數年以來經臣

奏明動用公項修建在案惟山東倉廩向因該省各  
項穀石有存價未買者有應追民欠者有虧空在  
官者有撥借未還者實在存貯無多所以各屬倉

敷竝不詳請修建而存貯之穀或借國民房或寄  
頓寺廟甚至天堆露積漠不關心因循相沿洵非

憶卿

奏一日茲行據山東布政使費金吾詳稱東省應貯  
倉穀奏朕曾有減貯之議何得尚存三百餘萬之多  
通共三百三十一萬七千七百八十一石零

各屬舊有倉廩四千一百七十五間又應行修理  
之舊倉五百五十二間又入官房屋堪改倉廩二  
十四間又各員墊銀新建倉廩二百四十三間又  
糧道修理德常二倉六十二間以上各倉竝官房



改廩每間貯穀多寡不等共堪貯穀二百三萬五千六百二十九石零尚餘穀一百二十八萬二千一百五十二石零照河南建倉每間貯穀五百石爲率應添建倉廩二千五百七十二間但此倉廩止貯現存穀石一遇盤查交代未免翻騰露積亦應照河南酌建餘倉凡貯穀四萬石以上者建餘倉三間三萬石以上者建餘倉二間一二萬石者建餘倉一間計通省應建餘倉一百四十六間其

酌估

建正倉餘倉每間酌給工料銀十五兩其應修倉

之價毋乃太減乎恐不敷用

照建倉工料酌量減半給銀七兩五錢入官房

屋改作倉廩又可減省大半每官房一間給修改銀三兩至各員新建倉廩係急公墊用應照添建工料銀數給還又添建通省正餘各倉每倉基一間應酌給地價銀一兩以上添建修理地基共估需用銀五萬一千二百七十一兩東省現有存貯公用銀兩可以動支無庸動用地丁錢糧竝聲明

東省濱海州縣衛所地皆沙鹺民無陶冶若倉廩  
必令覆瓦未免購運他處又滋脚費即用海草亦  
堅實經久每草房堪貯穀五百石者發工料銀十  
三兩等情呈詳前來臣查修建倉廩必須蓋造完  
固以重民儲尤必核實工料勿滋浮冒今據所報  
現有倉廩是否實在數目有無隱漏應建應修有

此論無混捏臣現在委員分頭確查取結其濱海地方  
是當之極宜持定主見勿被搖惑莫因節省些微  
雖無陶冶但海風甚高草縱堅實終不如瓦之經

致誤積貯

久況倉廩期於完固

凡覆仿爲妥協

未便惜此購運之費現飭

查議另估至於添建倉基其無官地者自應置買  
民地如有官地可建蓋者另當查明節省統俟工  
竣報銷臣逐項確查一一核實取具細冊送部不  
敢令有浮冒賠墊以及派累滋擾草率修理等弊  
再動用銀兩現有歸公耗羨自不須動支地丁但  
東省倉穀欽奉

諭旨令於今歲買足臣現在嚴飭採買均須倉廩堆貯

若俟確估到日會疏具

題未免需時遲緩相應將修建情形奏請  
所請甚是應飭令速行預辦毋遲  
聖訓即飭令動支銀兩買備物料一至春融便可興工

修建是否允協伏乞

睿鑒爲此謹

奏

覽

雍正八年正月初二日河東總督臣田文鏡謹

奏爲恭謝

天恩事雍正七年十二月二十六日臣齎摺家人回豫  
捧到臣覆奏摺內欽奉

皇上硃批諭旨覽奏欣慰特爲卿有通飭諭旨頒發直  
省矣欽此臣復接准部文跪讀通頒

諭旨仰見我

皇上仁育萬類體恤羣工

特沛曲全之恩

洪施寬大之典內外文武諸臣罔不仰蒙

怙冒惟是

溫綸下逮實由犬馬微軀上塵

聖念

皇上欲厚其恩於臣而遂廣其恩於天下是天下臣工  
共戴之恩皆臣一人身受之

恩也臣跪讀

恩旨敬捧

硃批感激

恩隆手足莫措不知作何圖報方能仰酬萬一臣自立  
春以來氣體復元步履漸健十二月二十二日封  
印之期臣即出堂照常行禮恭逢元旦令節臣謹  
率同文武官員敬詣公所望

闕颺拜恭行

朝賀禮儀謹一併具

奏上慰



聖慈所有微臣感激微誠理合恭摺

奏謝伏乞

睿鑒爲此謹

奏

覽奏知卿步履如常朕心深爲欣慰雖然仍當加意節  
慎不可稍涉勉強

同日又

奏爲恭報得雪日期仰祈

睿鑒事臣查豫省得雪勻足經臣於雍正七年十一月  
二十七日恭摺奏

聞茲於十二月二十七日復降瑞雪自子至酉得雪三  
寸二十九日天氣清明和氣噓暖當此春回地脈  
之初麥苗欣榮而瑞雪應時滋潤長養甚爲有益  
適值年節民間睹此五風十雨莫不慶戴

天庥咸歌樂利所有開封省城得雪日期理合恭摺奏

聞仰慰

聖懷謹

奏

覽奏得雪情形并民間年景朕懷曷勝愉悅昨歲實未  
料直省普遍沾沐

天恩至如此優渥也

同日又

奏爲欽奉

聖訓據實覆奏事雍正七年十二月十五日二十六日

臣齋摺家人前後回豫捧到

皇上硃批諭旨臣敬啓跪讀於臣謝

恩摺內欽奉

硃批康熙二十年前

皇考臨幸豐澤園於稻田中偶見一穗與衆稻迥異  
特命記取次年春選擇膏壤佈種方得此米是乃  
上天所賜之奇穀嗣後

御厨四十餘年悉炊此米作膳後始漸廣然掌管之員不

敢輕以畀人以故外邊罕見即朕當日藩邸亦不能得此種也若以豇豆水瀹煮其色更紅其味更厚卿如喜食候更陸續賜來今內倉頗多非復似前難得矣欽此臣跪讀之下感悚伏地竊念

聖祖仁皇帝德位名壽超隆千古實

上天篤生之

大聖人是以

穹蒼協瑞特於豐澤園中產生奇穀以供

玉食此誠

尚方珍品世所罕覩者我

皇上藩邸之初尚難多得此種今臣屢蒙

恩賚又

諭以陸續更賜雖朕賜所當賜從不濫加以逾分之恩凡所加恩者必仰天恩高厚有加無已但微臣福薄實驚逾分也又於臣體

奏明試看岳含奇摺內欽奉

硃批岳含奇原屬庸材前諭甚明況又目不識丁但念

係岳鍾琪之姪其方寸中未必即忍負朕卿其再加  
訓誡驗視聞各鎮皆係本標中軍主持事務或將其  
中軍員缺選補一妥協幹練之人俾令匡救其失更  
命岳濬留心幫助以觀後效欽此仰見我

皇上推恩逮下造就成全之

聖意臣當謹遵

諭旨隨事誠勉其現任中軍遊擊李登華經臣考驗尚  
堪任使臣惟諄諭該遊擊實心任事俾該鎮得收

臂指之助如其不能協助容臣另爲選擇奏

聞至撫臣岳濬與該鎮誼關手足又在同省自應共相

砥礪若再蒙

朕自隨時諭之卿遇有便亦言之於伊可也  
皇上諭旨則岳濬益當留心相幫該鎮益知努力自奮

也又臣覆奏張鏐張瀚二員欽奉

硃批人實難知遷改尤難限量亦不可因朕一時之甄

別遂永奉爲衡鑒也欽此仰見我

皇上慎重人材誠恐偶有掩抑惟是



聖明藻鑑原屬精當不爽今張鏐張瀚臣現再加驗視是

如能奮勵自進臣亦不敢匿其所長有負以人事君之義又於臣奏明修理東省倉廩摺內欽奉

硃批憶卿奏朕曾有減貯之議何得尚存三百餘萬之多欽此查臣前於均勻貯穀案内除民欠虧空及減

貯外核明存倉穀一百九十三萬八千一百四十七石零存價應買穀一百二十一萬八千九百二十七石零二共穀三百一十五萬七千五十石零此外

將價銀提解司庫因未准部覆之先各屬有將應  
解價銀已買穀收貯并應追民欠穀石今共計穀  
三百三十一萬七千七百八十一石零此乃已經  
減貯之數也今除舊有各倉並官房改廩共堪貯  
穀二百三萬五千六百二十九石零尚餘穀一百  
二十八萬二千一百五十二石零均須建倉堆貯  
共應添建正倉二千五百七十二間餘倉一百四  
十六間是以前摺敬謹

今始洞悉原委  
奏明又欽奉

硃批酌估之價毋乃太減乎恐不敷用欽此仰見我

皇上明無不照體恤周至之盛意惟是東省此價係照

此議

河南建倉之例酌估但各省物料價值貴賤不一

廟工

修建倉廩必須堅固經久其每間工料銀十五兩

更昂

應酌增者  
俟工竣核實報銷造冊送部又欽奉

硃批此論是當之極宜持定主見勿被搖惑莫因節省

些微致誤積貯大事必用瓦覆方爲妥協欽此臣查

務俾

濱海風高海草難以經久所建倉廩臣已飭查另  
毫無侵耗爲要莫惜小費致令草率從事

估槩令用瓦所有購運之費不無加增容俟酌估

到日臣再恭摺奏

聞又欽奉

硃批所請甚是應飭令速行預辦毋遲欽此臣謹欽遵  
聖諭當即檄行山東藩司一面動支歸公耗羨銀兩分  
發各屬預爲採辦物料轉瞬春融即可興工不敢

令其少有稽延也所有奉到原摺理合恭繳伏乞  
睿鑒謹

奏

覽

雍正八年二月初一日河東總督臣田文鏡謹  
奏爲欽奉

上諭事雍正七年十月初四日臣准部咨修治直隸山  
東江南三省道路一案奉

旨爾工部即行文三省動正項錢糧乘此農隙之時派  
委賢員作速興工務於明春雨水前告竣朕仍遣員  
往查其修過橋梁道路等項著照爾等所請交與各  
該地方官隨時修整并令新舊交代永著爲例欽此  
欽遵咨移到臣臣隨檄行山東布政司遵照轉飭  
各地方官上緊興工其橋梁道路務令修築堅實  
恪遵

諭旨務於雨水前告竣竝飭道府等官不時嚴行查督

又經節次檄催去後嗣據各屬前後具報應修道

漿凍

路俱照原估修治平坦培墊高厚一律完竣惟有

不黏自然之理

橋閘等石工歲底沍寒凍漿灌砌難以堅固物料

購備停妥請候春融動工等情臣復飭司委員查勘竝於本年正月初七日選委臣標把總分路前往東省將修完道路逐一查驗并將未完橋梁等工趁此春融立即催其加添工匠趕修完固統俟修理報竣到日臣再另行恭

奏緣奉

諭旨務於雨水前告竣所有道路修完橋闌石工現在  
催修情由合先

奏明仰慰

聖懷伏乞

睿鑒謹

奏

乘時興工先修道路可謂得緩急之宜卿所屬境內豈



止此一二事妥協已也

同日又

奏爲奏明事竊臣於雍正七年十二月十四日准浙  
江督臣李衛咨開訪獲江省謀爲不軌匪犯甘鳳  
池訊據供稱從前犯過一念和尚案內夾過兩次  
馬臬司開脫有夏林生係南京人在河南固始縣  
賣花樹生理他說城內有一周姓富家與現獲南  
京周崑來名潯者聲氣相通門下黨羽甚衆更有

推盤手車子多人皆暗受其約束素有大志非止  
一日知交十年矣今歲九月間又見姓夏的還是  
這樣說話約會犯人前往纔到鎮江被差人喚來  
故不曾去外有一箇常二係回教固始縣人曾在  
光州充過快手因賣放賊犯草役彼時雖尚無別  
念但本事利害勇不可當見面就甚相好他兄弟  
二人哥子是箇老實的等語相應專差密咨拏解  
等因到臣臣隨委開封府通判于林帶同浙江來

員前往固始縣會同該州縣拏獲究訊羽黨嚴拏

解浙并密行按察司轉行去後嗣據詳稱拏獲夏  
林生訊據供明周姓係武生周圖廉并稱周圖廉  
做小車會頭曾見周圖廉在方家集上設桌收錢  
伊兄周圖德幫收又有范廷侯范廷九范四胡國  
璽胡國英梅錫齡丁蘭生孫國彩俱與周圖廉結  
拜周圖廉常說我們雖然窮困中了還有出頭日  
子這就是他素有大志康熙五十八年替周圖廉

帶一封書與周崑來是聲氣相通其推盤手車子  
即通行的二把手小車子雍正七年九月內會見  
甘鳳池叫周圖廉到鎮江去會十一月二十二日  
向周圖廉說知周圖廉說年近了弄不出盤纏明  
年去罷等語隨將周圖廉周圖德范廷侯范廷九  
范四胡國璽胡國英丁蘭生孫國彩并常二及周  
圖德供出收小車會錢之周錫文拏獲經署光州  
事通判金承勲委固始縣典史潘允瀚同浙江來

員顧言并選撥兵役移會沿途營縣一體撥護於  
雍正七年十二月二十九日由固始縣起解赴浙  
與甘鳳池質審去訖其梅錫齡一犯因出外未獲  
現在嚴拏等情詳報到臣除各犯聽浙江督臣審  
明具

奏外所有浙江督臣李衛密咨查拏夏林生等及臣  
委員護解緣由理合恭摺奏

聞謹

奏

此案已差部臣往浙審理矣李衛能於衆所忽處留心  
察究殊屬可嘉斯種匪類爲生民害甚於盜賊孟子所  
謂惡莠恐其亂苗也每見地方大小臣工以爲不急之  
務率皆膜視偶或形迹發露猶多方掩覆以博安靜之  
稱直省督撫中著意搜剔者惟李衛最勤是以朕深取  
之淺見無知輩則目爲多事也

同日又

奏爲奏明武職養廉仰請

聖裁事臣查雍正七年九月內准到兵部議覆南陽鎮

臣馬世龍疏請買補缺額親丁馬匹一案內稱南陽鎮所食馬糧四十八分應令該鎮遵例於標下步兵內拔補充伍其親丁應食名糧於步兵缺內照例頂補如遇離任即將所食步兵名糧交與接任官隨丁頂補報部並通行各省遵照等因移咨到臣隨即轉行遵照在案臣查定例提督親丁糧

八十分總兵六十分副將三十分叅將二十分遊擊十五分都司十分守備八分千總五分把總四分從前各官親丁內有全食馬糧者有馬多步少者有上司佔食馬糧而屬員多食步糧者此外復有空糧如提鎮則虛冒百十餘分副叅遊擊則數十分都守千把等官亦各多少不等營中更有扣留之公費糧幫貼糧紙張糧大抵皆藉端朦混朋比分肥所有虛冒私佔之數恒倍於親丁原定之



額邇年以來仰蒙我

皇上加意戎行

訓誨鼓舞莫不奮興整飭河東兩省營伍陋習革除殆  
盡惟各官親丁養糧歷任相沿馬步兼食其來已  
久茲准部議通行改步伏查步糧一分除每月支  
米一斗外扣去朋銀小建實支餉銀九錢有零每  
年十二箇月合計共支餉銀十一兩四錢有奇提  
督親丁八十分每年約支餉銀九百二十餘兩總

兵六十分約支餉銀六百八十餘兩副將三十分約支餉銀三百四十餘兩叅將二十分約支餉銀二百二十餘兩遊擊十五分約支餉銀一百七十餘兩都司十分約支餉銀一百一十餘兩守備八分約支餉銀九十餘兩千總五分約支餉銀五十餘兩把總四分約支餉銀四十餘兩臣思提鎮列在封疆不惟食指浩繁其經年差使酬應操兵犒賞之類均難缺費副叅遊守等官家口多寡不等

大約不下數十人微至千把亦有八口今以步兵  
親丁名糧計之量入爲出實有不敷夫分職授糈  
者

朝廷之典先事後食者臣子之義我

皇上深仁恤下無不周至必欲其養贍寬裕俾得盡心  
公事以勵操守況武職親丁糧尤爲計口待哺之  
需此外別無所資倘內顧不給而不肖員弁又或  
藉端蠹伍扣尅虛冒等弊更將因以滋起臣愚謂

親丁名糧似應少爲酌定如提督八十分應給馬步各半並其俸薪一年約可得銀二千兩總兵六十分約可得銀一千四百兩副將三十分約可得銀八百兩叅將二十分約可得銀五百兩遊擊十五分約可得銀四百兩都司十分約可得銀三百兩守備八分約可得銀二百兩千總五分約可得銀一百兩把總四分約可得銀八十兩如此則較於全食步糧豐裕過半庶武弁養贍有資益加勉

勵操守整飭營伍圖報

聖恩矣臣仰荷

主眷隆逾常格凡有見聞不敢緘默無言是否可行伏  
乞

聖明裁鑒倘蒙

俞允仍祈

宣諭直省畫一酌定普天率土均當欽頌

鴻慈永於萬世也爲此密摺謹

奏

兵部議覆通行改步一案朕偶爾忽畧未及細心裁奪  
彼時因何依允追思所以然之故竟不可得俟查明端  
緒酌定後另有諭旨

同日又

奏爲恭報雨雪日期仰祈

睿鑒事雍正七年十二月二十七日開封得有瑞雪經

臣恭摺奏

聞續據各屬具報均於二十六七等日得雪三四寸不  
等茲開封省城又於雍正八年正月十六日先降  
微雨繼以大雪自寅至酉約得五寸闔屬地方亦  
於是日各得雨雪四五六七八寸不等均稱沾被  
調勻土膏滋沃現在麥苗俱長二寸有餘青蔥遍  
野婦子咸歡所有雨雪分寸日期理合恭摺具

奏仰慰

聖懷再東省濟南一府泰安濟寧兩州並所屬各縣據

報正月十六日亦各得雨雪三四寸不等統俟各

屬報齊臣再續具奏

聞伏乞

睿鑒謹

奏

初春即被膏澤實屬可慶今歲上元前後數日雨雪

天恩甚溥山右通省均霑直隸亦然頃據陝西復報得雨

朕深爲欣幸而愈增寅畏絲毫不敢少肆志也



雍正八年二月二十五日河東總督臣田文鏡謹  
奏爲遵

旨行文事雍正八年二月初七日准內閣移會內開本  
年正月十八日奉

上諭山東青州府設立滿洲駐防官兵所有建造城垣  
營房工程著御史偏武候補道員陳豫朋前往會同  
地方官監督修造其一應如何修造之處著都統拉  
錫亦往青州會同相度經畫定議交與偏武等辦理

拉錫仍回天津地方拉錫有素知可以辦工之人准其帶往青州留於工所交與偏武等派委辦事偏武所管倉工著交與御史趙華監修再著內務府總管常明監管稽查欽此欽遵移會到臣仰見我

皇上綏輯海邦

睿謨深遠

命官分理鉅細靡遺臣聞

命之下不勝欣幸臣查青州建造滿城工程浩大一切

估勘核算繪圖造冊查議採辦督理各項頭緒紛  
繁均應先爲酌定當即專委登萊青道孫蘭芬總  
理其事青州府知府廣壽經管察核其餘佐雜等  
員揀選預備分頭委用惟事屬創始其衙署營房  
規式竝無舊例可循隨移咨直隸督臣衙門查取  
天津建造滿城規式斟酌確估至青州府城外舊  
城基址先據勘報共計大地一十二頃五十一畝  
零今滿城擇建於西南角平坦之處又出大地六

頃四十六畝建造衙署營房竝留大街馬道止須  
大地五頃九畝尚餘一頃三十餘畝將來滋生人  
丁添蓋房屋均可足用等情臣因建造滿營關係  
永遠駐防基地最宜詳慎其城內規模似再須寬  
大其需用磚瓦土坯石料石灰等項有無官地開  
設窯座亦令查議明確招募工匠承攬置辦惟有  
木植一項初議赴南採買節據孫蘭芬稟稱需用  
木植約計十五六萬之多若盡赴南採辦必由江

南太倉州劉河口出海運至山東膠州又自膠州  
陸運至青州計程三百六十里路經高密草場湖  
地一遇雨水泥濘難行車輛不能輓運腳價倍費  
今查東省民間榆楸槐楊等木俱皆堅實悉可取  
材以資工用請於附近青郡之各縣就便選購榆  
楸等樹先令匠人看定量材取用照時價平買其  
不敷木植再行赴南採購既可省運腳之糜費又  
可令匠役先興工作等語續據山東布政司今陞

湖北撫臣費金吾詳稱東省榆楸槐楊等木不堪  
經久易於朽蛀兼之隨伐隨做滋漿尚存木性不  
堅況青萊等郡大木非係道路壇塋蔭木即係老  
民老婦留以需用者今聞各縣採號甚拂民情無  
寧少遲時日赴南採買其標椽鋸板小木應即於  
青屬附近地方照依平價採買等情臣查北省修  
建衙署及民間富室蓋造房屋俱用榆楸槐楊等  
木竝無越省遠購之事亦未有致被蟲蛀不堪經

久者況南木委員採辦往返期遠今附近所買樹木其百姓先自砍伐者已將乾燥其現議買伐者去皮斲削待至南木到日亦已堅燥可用豈復尚存滋漿至於道路壇塋一切古木蔭樹臣已明白飭禁不許買伐所云蔭木之外盡係老民老婦留以需用更爲不經必無此理總緣東省百姓向苦官役詐派一聞選買樹木唯恐充作官用不給價值即或給價十不償一反多運交守候之苦或不

免於疑慮相叅迨臣剴切曉示破其疑團飭令先  
買後伐預給時價一切雇車運送之事毫不累及  
小民賣樹獲利何至甚拂其情且木料需用甚多  
一尋一丈必欲出自南產需時滋費豈爲良策臣  
知費金吾見聞未確誤聽人言當即一一指駁竝  
令確議造送估冊尚未據報到茲蒙我

皇上垂念工程緊要

特遣御史偏武等會同地方官監督修造竝



命都統臣拉錫來青相度

聖慈遠注鉅細無遺俾大工仰藉有人實深慶幸臣正

繕摺恭

奏聞適

欽差御史臣偏武抵河南省城臣將一切原委面與備  
敘情形其應如何修造之處統俟都統拉錫到東  
經畫定議臣仍札諭登萊青道孫蘭芬等協心贊  
理所有料理滿營事宜竝御史臣偏武到豫日期

合併恭摺奏

聞伏乞

睿鑒謹

奏

覽奏知卿欲即在青菜等處採買木植以圖省便但榆  
楸槐楊四種內惟槐木稍堪經久而又難多得殊與朕  
意不甚相洽且此項工程不須急促辦理便遲至經歲  
無妨拉錫甬中頗有見解俟其到日令承辦各官與之

商酌由南購載如慮滋費需時或從北直採辦運往較  
稍勝否更會同偏武周詳妥議本省覓買雜木之舉總  
宜暫緩倘臨時必用就近取材以資營造尚不致有遲  
誤也於此等事無庸過費精神差委京官前來正爲欲  
卿減省心力庶得經畫地方緊要政務之意卿其知之

同日又

奏爲欽奉

上諭事竊照疏濬山東江南等州縣水道使歸宿於海

一案奉

上諭先期派出原任侍郎阿克敦原任巡撫陳世倌甘  
汝來同司督修之事一切辦理機宜悉聽田文鏡嵇  
曾筠孔毓珣尹繼善籌畫調度工料等費悉動帑金  
支給臣欽遵轉行間又奉

上諭水道工程俟孔毓珣嵇曾筠尹繼善等會題到日  
再著阿克敦甘汝來前往辦理陳世倌著暫在曲阜  
工程候信俟阿克敦等至山東時一同前赴工所欽

此臣查此案前經署山東巡撫臣費金吾

奏明經王大臣等議覆應令費金吾會同臣田文鏡  
嵇曾筠尹繼善詳確斟酌定議當於雍正七年閏  
七月內會委山東兗寧道呂維炳徑詣沛縣荆山  
口一帶會同江南委員淮徐道康宏勲將張孤山  
十字河等處查勘如何開濬其沛縣下流入運河  
身竝自彭口以下遇雨水過多之時可否不致礙  
運有無支河分流濟寧等州縣應開之河下流豐

沛入運入黃最有關係一併確查妥議詳報去後  
嗣據詳稱濟寧等州縣積水由南陽昭陽微山諸  
湖下注一案查自微山湖尾閘起歷張孤山至計  
家山原係淤墊應挑濬河渠一十五里自計家山  
至荆山口計程二十五里水勢通流毋庸疏濬自  
荆山口橋東起抵三岔河一百四十里河身悉屬  
寬廣其三岔河東岸原有洩運河異漲入駱馬湖  
去路上游洩下之水可以從此分洩一半入湖三

岔河迤下十二里至貓兒窩此處運河狹窄其分  
洩一半入運之水誠恐急不能容查貓兒窩十二  
里至馬莊有減水閘一座又十里至萬莊亦有減  
水閘一座再於此二閘適中之處照式添建減水  
閘兩座又八里至瑤灣有減水竹壩一座又六里  
至牛頭三灣有減水草壩二座以上四閘三壩可  
以洩水入湖以保運道及水入湖行六十五里至  
宿遷之三合土壩由五花橋匯歸劉老澗壩下河

內歷桃源清河沭陽安東海州計程三百五十餘里止有安東沈家集迤下一帶地勢低窪河道淤淺應行挑濬之處約計一百餘里其餘河道悉屬深通但六州縣兩岸堤堰均屬卑淺殘缺應須增築高厚其自龍溝以下即係大河可以引水入海順軌通行諸水皆有歸宿等情臣查此案勘議開通工程既大民生漕運關係尤深自應仰體

宸衷審度兩省地勢高下情形務須悉心區畫使上源



積水條分支幹節節疏通而下游受水之區更宜

詳慎容納源源接引即遇雨水異漲亦得循軌安

流俾民舍田廬永無淹漫首尾貫通暢達於海臣

因未得親往查勘於正月內河臣嵇曾筠因公查

勘路過開封臣隨面與計議總期詳慎妥協一勞

永逸又會委兗寧道呂維炳趁此春融水涸立即

會同江南淮徐道再加查勘確議臣復揀選河南

河內縣縣丞林逸熟悉河務檄令該道帶往由上

而下一路測量水平先將東省上源濟寧汶上嘉祥鉅野曹單城武金鄉以及魚沛等州縣遍加履勘逐一探明高下情形將應挑應浚之道里遠近丈尺寬深詳加確估明白務使水無壅滯節次導引匯歸湖河其湖水潴蓄宣洩必欲虧盈得宜而於漕運民生兩無妨礙再將江南下源各處應挑應築水道工程勘估妥協繪貼圖說造冊詳報以憑河臣嵇曾筠孔毓珣等親履查勘之後臣與會

商定議再爲具

一切籌畫調度悉合機宜

題所有委勘水道各情形合先

奏明抑臣更有請者兗寧道呂維炳現經江南河道  
督臣孔毓珣於河庫河務均關重大案內

題請調補淮徐道業經奉

旨俞允惟是呂維炳節經臣等會委查勘山東江南兩  
省水道及各處湖河閘壩一切高下地勢情形均  
已熟悉現在勘估未竣如今前赴新任勢必另委

別員事經隔手頭緒不諳恐有稽延舛錯之處臣

仰懇

聖慈將呂維炳暫留寬寧道任俟此案勘估造冊定議具

題之後再令前往新任庶大工得以早興兩省羣黎共登衽席矣臣爲勘估重務起見冒昧

奏請伏乞

睿鑒謹

奏

呂維炳熟悉水道情形暫留東省所請是嵇曾筠亦經奏請但淮徐道之任既司出納而又兼管河務甚屬緊要候朕與大學士等再加斟酌有旨

同日又

奏爲恭報河東兩省同沾雨雪日期仰祈

睿鑒事雍正八年正月十六日豫省監屬得雪分寸經

臣恭摺奏

聞欽奉

硃批諭旨初春即被膏澤實屬可慶今歲上元前後數  
日雨雪

大恩甚溥山右通省均霑直隸亦然頃據陝西復報得雨  
朕深爲欣幸而愈增寅畏絲毫不敢少肆志也欽此  
仰見我

皇上敬

入勤民嚴於宥密是以誠格

穹蒼惠綏兆庶普天率土之廣靡不共慶時若也茲查本年正月三十日河南開封等屬降雪三寸通省地方均於是日各報得有雨雪三四五六寸不等又山東闔屬於正月二十二日並三十日得雪四五六七八寸不等俱稱沾潤深透麥苗滋長現今五風十雨郊野勻和臣惟有與兩省官民益勤職業以仰副愈增寅畏之

聖訓庶以上承

深宮乾惕之

睿懷而已所有河東兩省同日得雪分寸理合恭摺奏  
聞伏乞

聖鑒謹

奏

百凡總仰賴

上蒼錫佑耳人力亦何足恃

同日又



奏爲添修豫省各營軍器仰祈

睿鑒事

臣

查兵丁甲械帳房關係軍需以備差操行走

其有缺少朽敝者自應查明添修務令堅固齊全  
以資實用經臣屢檄通飭前據臣標左右兩營並  
南北兩鎮各將所缺盔甲烏鎗帳房鑼鍋等項呈  
請修製前來當經飭司會同鎮營確查妥議並飭  
將應添應修各項分別查明勿令濫開浮冒仍將  
需用添修價值逐一開造清冊詳送核

奏隨據署布政司事按察使陳世倬會同查明臣標

左右二營馬兵舊有盔甲朽敝不堪應按數製造  
馬兵花盔甲二百頂副步兵舊有鐵盔甲朽爛不  
堪且行走難於攜帶應改造綿盔甲輕利有益除  
出征兵丁製過綿盔甲一百九十二頂副竝現有  
綿盔甲二十四頂副外尚應添造綿盔甲五百五  
十頂副除舊有堪用烏鎗外應修整烏鎗九十桿  
除新製帳房四十三頂外尚應添造不敷帳房九

十二頂應添製梅花椿一百三十五副除舊有鑼  
鍋堪用外尚應添製不敷鑼鍋二十二口共需銀  
二千五十五兩零南陽鎮屬七營除雍正三年內  
新製並舊有堪用各步兵綿盃甲外尚應修整綿  
盃甲六百七十八頂副除雍正二年新造烏鎗外  
尚應改造烏鎗二百四十桿添造烏鎗八百八十  
三桿除雍正六年新製並舊有堪用各帳房外尚  
應添造不敷帳房三百一十七頂應添製梅花椿

六百一十七副除雍正六年內新製並舊有堪用  
各鑼鍋外尚應添造不敷鑼鍋二百七十九口共  
需銀三千七百七兩零河北鎮屬九營除舊有馬  
兵花盔甲堪用外尚應添造馬兵花盔甲一頂副  
除雍正三年新製並舊有堪用各步兵綿盔甲外  
尚應添造綿盔甲九十二頂副除舊有堪用鳥鎗  
外尚應修製鳥鎗二百零八桿除舊有堪用帳房  
外尚應添造不敷帳房四十二頂應添製梅花樁

三百八十六副共需銀六百八十七兩零以上臣  
標左右兩營南北兩鎮通計估用銀六千四百四  
十九兩零謹將各項工料數目另繕清單恭呈

御覽臣查修製標鎮各營甲械應動庫存公項銀兩惟

是南陽鎮衙門查有收貯前任革職總兵佟世麟  
所收節禮陋規銀一千八百三十三兩零又前任  
署總兵李永陞收受軍政舊規銀二千四百九十  
兩又前任鎮標中軍遊擊王瑞材收受佟世麟所

給盤費銀六十兩以上共銀四千三百八十三兩  
零現俱存貯該鎮衙門留備公用之需今該鎮各  
營添修盔甲鳥鎗帳房鑼鍋等項需銀三千七百  
七兩零即應在此項存貯銀內令其照數動用不  
必另行撥給至臣標左右兩營需銀二千五十五  
兩零河北鎮屬需銀六百八十七兩零俱應在藩  
庫所存公項銀內照數撥給速爲修理俟事竣臣  
再確查報銷並將南鎮所動存貯銀兩一併查取

清冊咨部理合恭摺具

奏仰請

諭旨遵行爲此謹

奏

覽

傅爲斗朕因念伊前人擢用今職觀其質地止不過誠  
慤而已未見所長或恐弗克勝任然歷俸日久營伍事  
務想應諳練也卿意以爲何如

同日又

奏爲欽奉

上諭事竊臣查各省志書一案雍正七年二月內准戶部咨開奉

上諭著各省該督撫將本省通志重加修輯務期考據詳明採摭精當既無闕畧亦無冒濫以成完善之書如一年未能竣事或寬至二三年內纂成具奏欽此仰見我



皇上慎重紀載表彰人物詳徵一代之文獻永垂萬世  
之章程必須選擇品學俱優之人任以考核修輯  
之責臣准部咨當即轉行河南布政使速爲聘訪  
學問淹貫人員擇日開局因本省甚難其人河臣  
嵇曾筠薦有江南無錫縣辛丑科進士顧棟高學  
問淵博堪膺斯任隨即專人往聘於今歲正月內  
到豫又選有教諭朱超傳夢賚羅倬學正張星煜  
李洛均係文理優通堪膺分校之任業已陸續傳

齊在省今擇吉於本年二月十二日併送入大梁  
書院內開館纂修其一切安置竝須用器具及供  
應筆墨紙張食物等項應請在於存公銀內陸續  
給發統俟事竣之日查造清冊逐一確核報銷臣  
再另行恭

奏所有豫省志書開館纂修日期并應請動支公項  
緣由理合恭摺奏


聞伏乞

睿鑒謹

奏

筆墨之事固不宜忙迫然亦不宜甚遲作速纂修完竣  
庶可杜請託營求之弊也

硃批諭旨卷一百二十六之十九



總校官庶吉士臣侍朝

校對官庶吉士臣羅修源

謄錄監生臣謝惇